

广东通志

广

东

通

志

廣東通志卷一百二十六

甲子重刊

建置畧二

城池二

惠州府

故城甚隘明洪武三年知府萬迪同千戶朱衣率
軍民分築二十二年乃擴今城爲門七東曰惠陽
西曰西湖南曰橫岡北曰朝京小東門曰合江小
西門曰東昇水門曰會源門上爲敵樓列窩舖二
十八嘉靖三十五年知府姚梁弼通判吳晉請增
築軍城起水門止水西門三百八丈五尺
卽歸善縣城
起都督坊止武安坊三百五十七丈九尺增高九
尺三十八年知府顧言增築高一尺五寸易雉堞

之銳者爲平崇正十三年知府梁招夢奉詔增築

高三尺幫厚五尺周圍一千三百二十六丈高二

丈二尺

府志

國朝順治十八年重修

大清一統志

康熙二十四年知

府呂應奎重修城垣門樓窩鋪砌築內外城脚馬

路并水關礮臺雍正七年提督奉行督修

郝志

乾隆

三年八年俱奉准部咨動項修葺

司冊

東南北臨江

西臨湖無池

廣東輿圖

歸善縣

在府城東明嘉靖四十四年庠生劉確鄉民黎倖

請建東平民城萬厯三年城成六年知縣林民止

遷縣遂爲官城爲門四東曰輔陽南曰龍興西曰

通海北曰娛江爲關二便門二窩鋪九二十四年

知縣林有守知縣鄧鑣遷龍興門於水東葉夢熊改建龍

興門記畧縣故署郡治東學宮越在東平與白鶴

峯連兩江繞匯於東新天馬峙其南銀河滉漾青

巒聳翠拱護一水由鳳陽逆流豬其前因而爲頻

人文相望蓋得於地靈則然也迨後徙縣治於白

鶴峯下列以城守南門當學宮之衝嫌於面牆形

家患之縫掖之士氣爲之沮邑侯鄧公始至視學

徘徊瞻顧諸生以爲言公慨然上其議於郡太守

程公力主之鄧公捐俸若干諸大夫咸捐助以資

工役越數崇正十三年知縣王孫蕙增築按府志垣高三

月告成尺馬路增高三尺重修城樓四座

國朝順治十七年康熙十三年二十三年俱重修二

十四年奉文丈量城垣周圍九百四丈五尺高一

丈九尺雉堞一千五百六十五十五年知縣歐

聿捐修城垣八十二丈并南北城樓雍正元年七

年屢修乾隆四十年闔邑士紳呈請捐修改復南

門舊址

歷年以來因縣城濱臨大河北門正當東江之衝水勢直逼城根城垣馬路多被淹

浸傾塌

乾隆四十四年知縣章壽彭捐修城根用灰

石鱗砌面濶二丈餘

縣志

乾隆四年八年俱准部覆

動項修葺

據司冊增

東西二江水遶之與府城隔江浮

橋相連

一統志大清

謹按歸善縣與惠州府不同城其建置先

後年月亦不同而方輿紀要云歸善縣本

欣樂城宋元舊址甚隘洪武三年增擴之

東北帶江西南縈湖嘉靖十七年圯二十
年重建三十五年復增築之有門七周七
里似卽以府城爲歸善縣城當係指未遷
民城之縣治而言

平海所城

碣石鎮轄水師平海營叅將駐劄所

會典
鎮戍

在城東

南二百里

廣東
輿圖

明洪武二十七年建城周圍五百

二十丈高一丈八尺雉堞八百七十一爲門四敵

樓角樓各四窩舖七

國朝雍正七年巡撫奉修

縣志

乾隆三年十六年俱題

准部覆動項修葺

司冊

環城爲濠康熙八年同知范

有明疏濬淤池

郝志 按雍正九年總督郝玉麟疏稱平海所地方叢山大海最易

藏如并無文員彈壓應將該所裁汰改設巡檢一

員以資巡緝再粵省衛所陸續裁汰止存七所今

將甲子捷勝平海三所議裁其大鵬雙魚大城海

安四所俱係止理軍屯事務別無專責應請一并

裁汰大城海安二所屯糧就近歸和平徐聞二縣

管轄大鵬雙魚二所與新安陽江相去寫遠請添

設縣丞各一員駐劄大鵬雙魚二所城就近徵收

軍糧其平海太平二巡檢大鵬雙魚二縣丞即在

大鵬雙魚平海三所太平驛各衙署駐劄毋庸

更設徐聞縣之海安所饒平之大城所裁汰

墩頭港礮臺乾隆四年准部覆動項建造派撥弁

兵防守并建弁署窩舖

司案畧乾隆三年總督鄂彌達奏歸善縣屬墩頭

港面臨大洋緊接惠州府城雖上通大鵬下連平

海但相距甚遙延袤數百里并無重汛又無礮位

城寨可資守禦應請於墩頭港口建築礮臺派撥

千把一員領兵五十名駐劄與大鵬平海互相聲

援

車繪頭礮臺嘉慶七年紳士捐建

司案畧嘉慶七年准部咨總督

吉慶

奏稱歸善縣紳士林辟雍等呈請於車繪

頭添設

礮臺以資防守據歸善縣會同平海營勘

得平海地方濱海車繪頭出墩俯臨港口最為切

近業據該地紳士人等捐建礮臺完竣請於平海

營內抽撥兵丁二十五名并派大星汎左哨千總

移駐防範以專責成再此臺有圯壞一體援照通

省臺汎營房之例動項修葺以垂永久所需二千

斤礮二位一千斤礮二位五百斤礮一位在於附

近平海各營查明配撥遞年演放火

藥照例開銷奉 旨依議欽此

吉頭礮臺

司案畧嘉慶十年按照承准提督行據

座周圍二十八丈內弁署三間兵房十間更樓二

間配右哨把總一員撥兵丁三十名防守配二千

斤礮二位係該處人民在海撈獲嘉慶八年五月

配運赴臺又五百斤礮二位四百斤礮一位係歸

善縣移送

配運赴臺

博羅縣

舊無城元時環治僅土牆明成化十三年

郝志作二十二年

年方輿紀要作三十二年

都御史宋旻親詣相度定基檄按察

使陶魯城之甃以磚石東抱浮碇岡西跨榕溪水

口南抵江北北踰故城三十步鑿隘引溪卽今城

址也知縣歐陽楷恐費鉅莫繼乃儉其幅廣二里

袤一百二十丈周六百丈有奇爲五門宏治九年

僉事王相擴西城如宋旻所定故址地廣四里周

一千二十五丈增雉堞一千三百一十七更舖二

十敵樓四爲門六又開水門三以便民汲嘉靖四

十二年知縣胡郁增築高四尺萬厯二十二年知

縣鄧以誥縮南門若干步形家以爲非便

縣志

國朝康熙六年知縣胡大定修復南門十年知縣楊

碩捐修大東門城樓窩舖郝志現在城周圍五里高

二丈四尺厚一丈雉堞二千七百三十七城門十

大東門曰廣仁小東門曰安阜南門曰文治曰景

星曰小南曰應驪曰忠勤大西門曰鉅關小西門

曰樂成北門曰太平縣志乾隆五年十六年俱准部

覆動項修葺司冊西南因榕溪爲池東北倚山無濠

大清一統志

海豐縣

舊惟土城在今城外東一里按方輿紀要海豐本陸安縣城邑考舊有

土城在城東一里元末廢洪武二十七年指揮花茂言海豐濱

海宜立守禦千戶所築城從之千戶馬帖木至始
建城高一丈五尺周圍三百九十丈六尺雉堞七
百八十一爲門四東曰宣德西曰迎恩南曰襟海
北曰屏山且各建敵樓正德十五年千戶李綱修
四門及西城樓三十七年知縣張濟以有倭警加
築女牆堦口開北門以便防守外築土牆七尺牆
外濬濠廣二丈深七尺

府志

萬曆十二年知縣陳汝

鳳築偃月城加以女牆爲樓五爲門八

葉春及築偃月城記

畧海豐爲邑蓋始於東晉之季城則莫知其自
始土城至元而壞明洪武二十七年詔指揮花茂
經畧東南方於是沿海每每築城茂言海豐濱海
其東旗峯疊見入寇以爲指北城之便詔許之千
戶侯帖木爲植保障鹿境對峙龍津前流茂所建
也嘉靖間盜賊蠭起當是時寇一日三薄城守吏

震驚發其四門僅留圭竇十餘年因而未改萬厯
癸未邑侯陳公至病之議增築外城以爲之輔時
方有事未遑草創明年說言鳴夷由水而陸業至
陳田於是請築月城初議高一丈五尺廣九尺其
上不樓不涂不通門於內城其下西南北一門東
乃門其左右塊然一環堵耳侯曰無月城與無城
同月城不度與無月城同乃捐俸佐之高二丈七
尺廣一丈八尺加以女牆爲樓五門八其制爲備
是以乘城則三面可守入保則數道并進不虞猝
至而民無怖容則偃月之故也是役也始於萬厯
十三年秋越明年十二月告成侯諱汝鳳江西樂安人也
崇正十二年知縣陳

振琦增築

國朝雍正十年知縣葉世美修理未竣十一年知縣

王增接修門樓礮臺

縣志

其池深廣一丈歲久湮塞

明正德五年重濬

縣志

嘉靖中張濟時於東北隅障

溪水使入溝東南隅作斗門障溝水瀦之使溢而

後流

縣志

池周圍四百十丈廣二丈深二丈

廣東輿圖

捷勝所城

碣石鎮標右營都司駐劄所

會典

在縣治南八十里

明洪武二十八年築周圍四百七十二丈高一丈

厚一丈八尺雉堞九百四十敵樓四樓下關門四

池深一丈廣八尺

府志

謹按雍正九年總督郝

設知縣所城仍駐游擊乾隆三年改都司

國朝乾隆五年八年俱題准部覆動項修葺

司冊

墩下寨城

碣石鎮標右營守備駐劄所

會典

在縣治南五十

里捷勝所之右明崇正九年築

府志

謹按雍正九年詳議改南豐

驛為汕尾巡檢於墩下城內建署
復議改汕尾巡檢為黃沙坑巡檢

國朝乾隆五年題准部覆動項修葺司

羊蹠嶺駐防弁署兵房
司案畧乾隆三年總督鄂
奏海豐縣屬羊蹠

嶺為惠州外護碣石後門惠潮陸路往來要道地
勢險惡且迫近大海必守其險惠潮二府緝捕方

可照應查舊志自漢時開鑿至三國以迄於明時
有阻塞之患應請於嶺巔建設關口一座安設礮

位撥惠協把總一員帶兵五十名駐劄又查嶺巔
止有茶庵一座應就庵基改築所有應建礮臺衙

署等項查議
確估具題

汕尾港口礮臺乾隆五十九年奉准部咨建司案

豐縣屬向設有白沙灣塘汎安兵三名邇因匪船
滋擾該地文武會勘議於外洋進口必經之汕尾

港口添建礮臺一座汎房六間於碣石鎮標右營
派駐海豐城內兵額內抽撥一十七名湊同原配

塘兵共二十名所需礮位亦在配防海豐城礮位
額內移撥一千斤礮二位五百斤礮三位又移礮

下城內五百斤礮一位火藥彈
子俱於額貯項下隨礮撥用

麻瘋寮礮臺嘉慶五年奉准部咨捐建

司案畧海豐縣屬白

沙灣鮐門港麻瘋寮先後添建礮臺其白沙灣鮐
門港兩處業經前縣會營詳議歸於外辦毋庸咨
部查麻瘋寮地方前臨海口後近村庄對港鳳飛
山脚猫仔屈邊乃賊船入港必經之處尤屬扼要
該處紳耆人等情願捐資添建礮臺一座弁署三
間兵房五間廚房一間火藥局一間望樓一間移
撥牛脚川礮臺二千斤礮一位五百斤礮一位又
移海豐城內一千斤礮二位五百斤礮一位并移
撥墩下城五百斤礮一位其封口火藥彈子各項
在於額貯項下撥用俱係礮石鎮右營統轄之內

南山礮臺嘉慶十年奉准部咨捐建

司案畧海豐縣屬白

縣會同礮石鎮右營申稱南山添建礮臺俱係該
地方官民公捐督令董事貢生王惟忠等建造移
撥官兵礮位均係礮石鎮標右營管轄

長沙礮臺嘉慶九年建

司案畧據惠州府詳據海豐縣詳該縣添建長沙礮

臺一座於嘉慶九年七月興工十二月工竣又修復鯨門港礮臺一座於嘉慶十年七月興工十一月工竣均係該地紳士捐建由府委員勘驗詳請咨部分別議獎

陸豐縣

本東海濱舊寨城明崇正間築

國朝雍正九年析海豐縣置陸豐縣知縣黃煌拆舊

寨城北面四十三丈市兵民房地一百三十五間

展築新城一百八十二丈共周圍三百二十一丈

一尺雉堞四百八十六高四尺連城身高二丈爲

門四添設馬路二百七十八丈一尺城樓四四城

門俱有月城

縣志

新南門外繞城墻西南接迎仙橋

抵東海濱爲惠潮往來孔道

縣志

建置陸豐縣部文題請改設縣令